

Yohaannis Xaafida Nam7antho Kiita Gaatha Qofa

Yohaannis xaafida nam7antho kiita, Yesuusa hawaare gidida cimay, Yohaannis xaafis. Ha kiitay xaafetiday dooretida godatesanne I naytasa. Ha qantha kiitay xaafetiday,

1. Enti issoy issuwara siiqetana mela akeek-isanaasa;

2. Wordo astamaaretapenne enta timirtiyafe naagetana mela qofisanaasa.

Maxaafa Ayfe Qofata

Sarothonne woosa (1-3)

Siiqonne tumatethi (4-6)

Wordo timirtefe naagetethi (7-11)

Sarotho (12-13)

¹ Ta cimay dooretida godatesinne I naytas kiitida kiita. Ta xalaala gidonashin, tumaa eriya ubbay hintena dosoosona.

² Ha tumay nunan de7iya gishonne merinaw nuura daana gisho taani hintena tuma dosayis.

³ Xoossaa nu Aawanne iya Na7aa Yesuus Kiristoosa aadho keehatethay, maarotethayenne sarotethay tumanine siiqon issife nuura gido.

Tumanne Siiqo

⁴ Aaway nuna kiittidaysada, ne naytape baggati, tumaas kiiteteysa be7ada taani daro ufaytas.

⁵ Godate, ha77ika nuuni ubbay issoy issuwa siiqana mela taani nena woossayis. Ha kiitay

koyrope nuura de7iya kiitaape attishin, taani new ooratha kiita xaafike.

⁶ Tuma siiqoy nuuni Xoossaa kiitaa naagidi daanaysa. Qassi koyrope hinte si7idaysada iya kiitay, hinte ubbay siiqon daana melasa.

⁷ Yesuus Kiristoosi ase gididi yidaysa ammanonna, daro balethiya asati, alamen dendidosona. Hessa mela asi oonika baletheysanne Kiristoosa morke.

⁸ Hinte oothida kumetha woytuwa ekanaw min-nite. Hinte oothidaysi dhayonna mela naagetite.

⁹ Kiristoosa timirtiyan doonnaysasinne iyape haakiya uraas Xoossay baawa. Kiristoosa timirtiyan de7iya uraas Aawaynne Na7ay de7oosona.

¹⁰ Oonika hinteko yishe ha timirtiya ehonna ixiko, hinte soo gelsofite; saroka goopite.

¹¹ Iya saro giya oonika iya iita oosuwan iyara shaaketees.

Sarotho

¹² Taani hintew xaafanaw koyida darobay de7ees, shin worqateninne qalamen xaafanaw koyke. Nu ufaysay poletana mela hintera som7on gahetada odetanaw hinteko baana gada qopayis.

¹³ Xoossay doorida ne miche nayti nena saro yaagosona.

Geeshsha Maxaafa
Gofa: Geeshsha Maxaafa (Bible) for Ethiopia, Latin
script

copyright © 2024 The Word for the World International

Language: Goofa (Gofa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

cd247997-ca42-596b-9d91-94ffba4675ef